



Minggu, 11 Februari 2024

Ogen: Jesaya 3:6



Milih Sekalak I bas Seninana



Sada anak kucing la atena ngena nandangi nandena, indung kucing. E maka turah i bas ukurna guna nambari nandena. Idaramina me si hebaten asangken indung kucing, e me biang. Tapi reh nina biang lit denga hebaten asangken ia, e me nipe. Isungkunina nipe gelah jadi nandena tapi reh nina, maka lit denga hebaten asangken ia e me kuliki. Sungkunina kuliki, tapi kuliki e pe nogan alu ngataken lit denga hebaten asangken ia e me deleng. Nangkeng me anak kucing e ku uruk meganjang, tapi deleng pe erkata maka lit dengan hebaten asangken ia, e me menci. Enda me arapen terakhir kucing, isungkunina menci si paksana ngkur-kur deleng, tapi nina alu meteruk, engkai maka idaramindu nande si hebat, adi hebaten nge kucing asangken aku, i ja pa pe aku datca. Mulihlah kempak nandendu, ia si seri ras kam, si habaten asangken aku. Arah turi-turin enda nuriken man banta, maka megati kita daram-daram si banci nampati ras mulahi kita i bas kesusahen, padahal si man daramen labo ndauh i bas kita. Memang adi paksa gulut ukur penampat si megegehna nge si darami. Bagi pendarami bangsa Israel nandangi si banci mulahi ia. I bas masa-masa kejayanna akap bangsa Israel, maka bangsa Mesir, bangsa Asyur banci mulahi ia bas Babilonia nari. Tapi situhuna, bangsa-bangsa asing e labo nggit nampati alu bage-bage saja. Tentu ukurina ka kerna keperlunna ras kai keuntungenna i bas ia nampati. E maka ernubuat me Jesaya, lit pagi paksana bangsa e ndarami seninana, lanai kalak si deban gelah nampati ia. Sabap sesama kita nge si tuhu-tuhu nggejabken kai si perlu ras si penting guna si pekena. Erpalasken kata Dibata enda, si idah makana perlu kal kita ersada dengen sitatang-tatangen saph-saph kita. I bas suasana pemilihan pemimpin negeri marilah sidarami seninanta, si dukung ia maba sora Tuhan i bas pemerintah.